



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-011-4/25**
Datum: **13.06.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica «HIFA-OIL» d.o.o. Tešanj – Podružnica Maglaj za donošenje Rješenja o vodnoj dozvoli za ispuštanje oborinskih onečišćenih i tehnoloških otpadnih voda u prirodni recipijent sa lokacije objekta benzinske pumpe sa pratećim sadržajima i samouslužnom autopraonicom, izgrađenog u naselju Liješnica, općina Maglaj, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, «HIFA-OIL» d.o.o. Tešanj – Podružnica Maglaj daje se vodna dozvola za ispuštanje oborinskih onečišćenih i tehnoloških otpadnih voda u prirodni recipijent sa lokacije objekta benzinske pumpe sa pratećim sadržajima i samouslužnom autopraonicom, izgrađenog u naselju Liješnica, na zemljištu označenom kao k.č. 333/2, 334/2, 783/2, 783/3, 810/2, 1576/3 i 334/3 K.O. Liješnica, općina Maglaj.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz slijedeće uslove:
 - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Skladištenje nafte i naftnih derivata vršiti u podzemnim dvoplašnim čeličnim rezervoarima zapremine 200 m³ (2x100 m³).
 - 2.3. Da se u roku važenja ovog rješenja izvedu radovi predviđeni dostavljenom investiciono tehničkom dokumentacijom, odnosno ugradi tipski separator masti i ulja.
 - 2.4. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i manipulativnih površina, kao i tehnološke otpadne vode iz samouslužne autopraonice nesmetano sakupljaju i odvođe do objekta predviđenog za tretman onečišćenih voda (separator ulja i masti), a zatim ovako tretirane vode ispuštaju mjesnu kanalizaciju sa krajnjim ispustom u rijeku Liješnicu.
 - 2.5. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječe dospijevanje nafte i naftnih derivata u podzemne i površinske vode.
 - 2.6. Prečišćene oborinske onečišćene i tehnološke vode moraju ostati u maksimalno dopuštenim granicama definiranim članom 14. i članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 2.7. Objekte čija je svrha odvođenje i prečišćavanje oborinskih onečišćenih i tehnoloških otpadnih voda (separator ulja i masti, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.
Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.
Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
 - 2.8. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u

skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

- 2.9. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
 - 2.10. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačke 22. i 13. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 4. U periodu važenja ove dozvole, Korisnik je dužan provoditi sve mjere i aktivnosti propisane istom.
 5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
 7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. U ovoj upravnoj stvari plaćene su sve upravne pristojbe.
 10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
 11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
 12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «HIFA-OIL» d.o.o. Tešanj – Podružnica Maglaj, dana 10.01.2025. godine, podnijelo je zahtjev za izdavanje vodne dozvole za ispuštanje oborinskih onečišćenih i tehnoloških otpadnih voda u prirodni recipijent sa lokacije objekta benzinske pumpe sa pratećim sadržajima i samouslužnom autopraonicom, izgrađenog u naselju Liješnica, na zemljištu označenom kao k.č. 333/2, 334/2, 783/2, 783/3, 810/2, 1576/3 i 334/3 K.O. Liješnica, općina Maglaj.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-24-003023 od 08.10.2024. godine izdatog od Općinskog suda u Zenici,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-7814-2/16 od 14.12.2016. godine izdatog od Uprave za indirektno-neizravno oporezivanje Banja Luka,

- Ovjerena kopija Uvjerenja o poreznoj registraciji izdatog od Porezne uprave FBiH-Kantonalni porezni ured Zenica od 24.11.2016.,
- Ovjerena kopija Uvjerenja o registraciji poreznog obveznika (Podružnica Maglaj) izdatog od Porezne uprave FBiH-Kantonalni porezni ured Zenica od 25.09.2019.,
- Ovjerena kopija Obavještenja o razvrstavanju pravnog lica prema klasifikaciji djelatnosti broj: 07-32.5-54892/17 od 22.08.2017. izdatog od Službe za statistiku za područje Zeničko-dobojskog kantona,
- Ovjerena kopija Obavještenja o razvrstavanju dijelova pravnog lica prema klasifikaciji djelatnosti broj: 07-32.5-89112/19 od 25.09.2019. izdatog od Službe za statistiku za područje Zeničko-dobojskog kantona,
- Dokaz o uplaćenju upravnoj taksi,
- Ovjerena kopija Rješenja o odobrenju za upotrebu broj: 03/II-360-11/99 od 10.09.1999. godine izdatog od Službe za urbanizam, obnovu, stambene i komunalne poslove Općine Maglaj,
- Ovjerena kopija Rješenje o upotrebi objekta samouslužne autopraonice broj: 05-19-5-1061/21 od 07.06.2021. godine izdatog od Službe za urbanizam, geodetske i imovinsko pravne poslove Općine Maglaj,
- Kopija Rješenja o odobrenju za rekonstrukciju benzinske pumpe sa priključkom na magistralnu cestu broj: UP-1-02.3-23-478/19-AP od 14.10.2019. godine izdatog od JP CESTE FEDERACIJE BiH d.o.o. Sarajevo,
- Ovjerena kopija Rješenja o okolinskoj dozvoli broj: 12-23-11147/19 od 21.08.2020. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Ovjerena kopija Rješenja o vodnoj dozvoli broj: 05-25-11169-1/19 od 28.02.2020. godine izdatog od Ministarstva za poljoprivredu, šumarstvo i vodoprivredu Zeničko-dobojskog kantona,
- Ovjerena kopija Rješenja o vodnoj dozvoli broj: 04-21-2-2441/20 od 13.07.2020. godine izdatog od Općine Maglaj,
- Ovjerena kopija Rješenja o vodnoj dozvoli broj: UP-I/25-3-40-648-8/19 od 29.01.2020. izdatog od «Agencije za vodno područje rijeke Save» Sarajevo,
- Ovjerena kopija Ugovora o pružanju usluga (čišćenje separatora) zaključenog dana 06.07.2022. godine sa «AIDA-COMMERCE» d.o.o. Sarajevo,
- Kopija Transportne dokumentacije za otpad od 05.05.2025. godine izdatog od «AIDA-COMMERCE» d.o.o. Sarajevo,
- Kopija Izvještaja o monitoringu kvaliteta i kvantiteta otpadnih voda benzinske pumpe „HIFA OIL“ Maglaj, broj: 2584/24, decembar 2024., urađen od «INSPEKT-RGH» d.o.o. Sarajevo,
- Glavni projekat – vanjske hidroinstalacije sa dopunom broj: 1-IB-G/19, januar 2020. godine, urađen od «IBIS» d.o.o. Zavidovići (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-011-3/25 od 29.05.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Objekat benzinske pumpe sa pratećim sadržajima je izgrađen u naselju Liješnica, uz magistralni put Zenica-Doboj, općina Maglaj. Objekat benzinske pumpe se sastoji od uslužno-prodajnog objekta sa kafeom, nadstrešnice sa automatima za istakanje goriva, podzemnih rezervoara za skladištenje goriva, separatora masti i ulja, te samouslužne autopraonice sa dva natkrivena prostora za pranje vozila i jednim nenatkrivenim.
 - Za predmetni objekat je ranije od ove Agencije ishodovano Rješenje o vodnoj dozvoli broj: UP-I/25-3-40-4648-8/19 od 29.01.2020. U toku uviđaja utvrđeno je da izgrađena samouslužna autopraonica.
 - Oborinske onečišćene otpadne vode sa uređenih manipulativnih površina, zajedno sa tehnološkim otpadnim vodama iz samouslužne autopraonice, se prikupljaju sistemom slivnika i kanalizacione mreže i odvodi na tretman u armirano-betonskii separator masti i ulja. Preliv iz separatora je u mjesnu kanalizaciju sa krajnjim ispustom u rijeku Liješnicu.
- Radne, saobraćajne i manipulativne površine su završno obrađene asfaltom odnosno betonom, sa padovima prema slivnicima.

- Dostavljenim projektom vanjskih hidroinstalacija je predviđeno da se tehnološke otpadne vode iz samouslužne autopraonice prikupljaju sistemom slivnih kanala i odvođe na tretman, zajedno sa oborinskim onečišćenim vodama sa platoa benzinske pumpe, u novoprojektovani tipski separator masti i ulja. Postojeći separator se ukida.
- Smještaj goriva se vrši u ukopanim čeličnim dvoplašnim rezervoarima zapremine 200 m³ (2x100 m³).
- Snabdijevanje vodom za tehnološke i hidrantske potrebe je iz vlastitog bunara. Sanitarno-fekalne otpadne vode se prikupljaju u biološki uređaj. Za ispuštanje sanitarno-fekalnih otpadnih voda te za zahvat vode su ishodovane vodne dozvole od nadležnog kantonalnog ministarstva odnosno Općine.
- Monitoring otpadnih voda se vrši redovno. Na uvid je dostavljen Izvještaj o monitoringu kvaliteta i kvantiteta otpadnih voda benzinske pumpe „HIFA OIL“ Maglaj, decembar 2024. godine, urađen od «INSPEKT-RGH» d.o.o. Sarajevo. Ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16)).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 2. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i tačka cc) Uredbe o uslovima ispuštanja otpadnih voda u okoliš i sisteme javne kanalizacije, konstatuje se da je podnosilac zahtjeva «HIFA-OIL» d.o.o. Tešanj – Podružnica Maglaj, ispunio minimum uslova za izdavanje vodne dozvole za ispuštanje oborinskih onečišćenih i tehnoloških otpadnih voda u prirodni recipijent, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-012-2/25 od 19.03.2025. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta: Sanja Miličić, građ.ing.

24 Po ovlaštenju:
Rukovodilac Sektora za izdavanje vodnih akata



Nihad Pezo, dipl.inž.građ.

Dostaviti:

- «HIFA-OIL» d.o.o.
Bukva 10, 74260 Tešanj
- ⊖ AVP Sava, ISV-vodna knjiga
- sektor 50
- sektor 40 – arhiva
- oglasna ploča – AVP Sava